

1808

OCCIDENS OCCIDENTALIS

PORTUGALLIAE
 que olim Lusitania, nouissima
 & exactissima descriptio, Aucto
 re Vernando Aluaro Secco



MERIDIES

SEPTENTRIO

GUIDONI ASCA
 NIO SFORTIAE S.R.
 E CARD. CAMER. A. HILLES. S. S.

*Quoniam Vernandi Aluari industria descriptio tibi ob
 gentis nos vestri patrem dicimus, Guido Sfortia: Hinc ho
 mines inuicibili virtute ac felicitate profecti, oes Orbis terraru
 partes obierunt, hinc magna partem in Præuincia redegerunt: in
 numerabiles insulas, quaru aut nomen incognitum, aut ne nomen qui
 den villam exabat, primi patefecerunt, idque occupauerunt
 Asiam terram beatis sibi stipendiarum fecerunt: re
 mox natiōnes Ihesu Chrisi cultum, religionemque
 docuerunt. Vale. Romæ XIII.*

Calendas Junias
 Anno M.
 CCCC.
 LX.

OCCIDENS
 ORIENS

CLIMATIS
 quartus
 finis
 Principium
 sextus

Oct 8. 1575 L

PORTVGALLIA

REGNVM.

PORTVGALLIAMimpropiè Lusitaniam appellant, cum alioqui nec tota Portugallia Lusitaniæ finibus circumscripta sit, nec totam Lusitaniam complectitur: illud tamen negari non potest, potiorem Lusitaniæ partem Portugalliæ Regi parère. Diuiditur verò Portugallia in Transtaganam, Cistaganam, & Interamnem. Transtaganà Beticæ partem carpit, eam scilicet, quæ ab Ana fluuio ad Regni limites porrigitur. Interamnem appello Portugalliam, quæ est inter Durium & Minium fluuios, Regio non minus amœna quàm fertilis. Hæc Interamnis tota extra Lusitaniam est, nisi repudiata descriptione posita, Straboni magis accedamus, qui ait, maximam Lusitanorum partem Callaicos appellatos. Huius Regionis longitudo est duodecim leucæ; latitudo qua maxima est, duodecim; alibi tantum sex, aut etiam quatuor. Atque in hoc tam exiguo terræ interuallo, præter Ecclesiam Bracarensem Metropolitanam, & Portugallensem Cathedralē, ac alias quinque Collegiatas, reperias plusquam centum triginta Monasteria, quorum pleraque redditus habent amplissimos: præterea plus minus mille quadringentas sexaginta Parochiales, cum suis Baptisteriis, vt scribit quidam. Certè in ea parte, quæ Bracarensem agnoscit Ecclesiam, octingentæ recensentur. Ex qua re fertilitatem & Religionem antiquam gentis facillè agnoscas. De amœnitate verò quid opus est dicere, cum in ea numerata sint vltra viginti quinque millia fontium perennium: Pontes quadrato lapide elegantissimè constructi, prope ducenti: portus marini sex. Quod propterea minimè tacendum duxi, quia bonitas & dignitas huius Prouinciæ ferè ignoratur. Huic Prouinciæ adhæret ea quam Transmontanam appellant, Regio optimi tritici, generosique vini ferax, in qua est Brigantia, caput amplissimi Ducatus. Hæc ex Valeo.

Sub Portugallia hoc tempore Algarbiæ regnum (quæ eius pars maritima est versus Meridiem) pertinet. Eius enim Rex, se Regem Portugalliæ, Algarbiæ, Guinæ, Aethiopiæ, Arabiæ, Persiæ & Indiæ scribit. Hoc Regnum primum circa Annum M.C. initium habuit. Ad ea enim vsque tempora sub Hispaniæ nomine (vti & antiquitus) censebatur. Sic autem de eo Marineus scribit; Henricus quidam Lotharingiæ Comes, vir in bello fortissimus, è Gallia veniens, magnas aduersus Mauros res gessit. Pro quibus Alphonsus v. Castellæ rex permotus, filiam suam notham nomine Tiresiam ei matrimonio collocauit. Et Galleciæ partē, quæ in Regno Portugalliæ continetur, nomine dotis assignauit. Ex eo postea matrimonio natus est Alphonsus, qui primus Portugalliæ Rex est appellatus. Primus qui Vlixbonam à Mauris recepit. Quorum quinque simul regibus vno prælio superatis, quinque scutorum insigne facti monumentum posteris reliquit. Oliuerius à Marcha in Annalibus, lingua gallica æditis, paulò accuratius huius Regni arma depingit. Ait enim primo fuisse clipeum argenteum sine aliqua imagine, postea à deuictis quinque regibus, quinque cæruleos clipeos impositos, deinde his singulis clipeis quinque argenteos orbiculos additos, in memoriam quinque vulnerum Domini nostri I H E S V C H R I S T I, quæ illi inter præliandum diuinitus in cælo apparuere; aut vt alij tradunt, quòd quinque vulneribus mortiferis fauciatus, Deo Opt. Max. opitulante, non occubuerat.

Vide etiam Hieronymum Osorium; Marineum Siculum; & Seb. Munsterum. De huius Regni origine, lege primum caput Decadum Asiaticarū Ioannis Barri. Athenæus libro. 8. cap. i. quædam memorat de fertilitate huius regionis & aëris optima temperie. Huius Regni Urbem primariam Vlisiponam descripsit Damianus à Goes peculiari libello.

Lusitanorum Imperium hodie quàm latissimè patet, nam ab Herculis columnis vsque ad Chinam & Lequios per omnes Prouincias maritimas Insulasque adiacentes, extenditur.



ORTELIUS - PORTUGAL - 1577
comp. in use holandese cartographia
in januarij a 1994 p. 280.002